



Pretrčeni objekti u Banjoj Luci, Laktašima i Srebreniku

UTAJA 8,5 MILIONA KM

Kovačević: UIO iz Tuzle učestvovao u pretresu jednog objekta u Brčkom. Riječ je o pravnom licu • Pribavljanje protivpravne imovinske koristi

Policijski službenici Državne agencije za istrage i zaštitu (SIPA), u suradnji sa policijom MUP-a Tuzlanskog kantona i MUP-a RS-a, te službenim licima iz Uprave za indirektno oporezivanje (UIOBiH), jučer su pretresli četiri lokacije na području Banje Luke, Laktaša i Srebrenika, a u okviru akcije Tranzit.

Finansijske malverzacije

- Tom prilikom je privremeno oduzeto više predmeta koji mogu poslužiti kao dokaz u daljem postupku. Riječ je o finansijskoj poslovnoj dokumentaciji: fakturama, deklaracijama, tovarnim listovima, izvodima iz banaka, uplatnicama i ostalim predmetima, kazala je Kristina Jozić, portparolka SIPA.

Ona je naglasila da osumnjičeni nisu uhapšeni, nego da su saslušani u prostorijama SIPA, nakon čega će se, shodno uputama postupajućeg tužioca, odlučiti o njihovom daljem statusu. O imenima nije htjela govoriti, te je pojasnila da osumnjičeni u ovoj akciji nemaju veze sa Anesom Sadikovićem i akcijom Boss, koja je provedena 2012, kao ni sa akcijom Tranzit MUP-a RS-a iz 2010. godine.

Prema prikupljenim dokazima, osumnjičeni se terete da su učestvovali u finansijskim malverzacijama tako što su izbjegavali plaćati PDV, te su zbog toga oštetili državu za oko 8,5 miliona KM.

Iz UIOBiH jučer su naglasili da se neće oglašavati o ovoj akciji.



Pijaca Arizona: Prodaja robe iz NR Kine

- Informacije će davati SIPA i Tužilaštvo BiH. Ono što znam je da je regionalni centar Uprave iz Tuzle učestvovao u pretresu jednog objekta u Brčkom, kazao je Ratko Kovačević, portparol UIOBiH.

Kineski državljani

Akcija Tranzit provedena je po naredbama Suda BiH i Tužilaštva BiH. S obzirom na to da su aktivnosti u toku, iz Tužilaštva BiH istaknuli su da ne mogu dati više informacija.

Osobe koje su saslušane u SIPA terete se za organizovani kriminal u vezi sa krivičnim djelom poreska utaja, a u vezi sa članom 31. Krivičnog zakona BiH - pomaganje, na način da su preko više pravnih osoba vršile uvoz razne robe iz NR Kine, koje su tu robu dalje fiktivno razduživale na druge pravne osobe koje imaju

Prodaja na Arizoni

Iz Tužilaštva BiH saopštili su kako se lica privedena u akciji Tranzit sumnjiče da su vršila uvoz robe iz Kine, koju su prosjeđivala njima poznatim licima, koja su tu robu bez evidentiranja u poslovnim knjigama prodavala za gotov novac na tržnici Arizona kod Brčko distrikta i na području Sarajeva.

status poreskih obveznika, a koje se bave fiktivnim prometom ili su robu fiktivno razduživale kroz malo-prodaju, te na njih prenosile poreske obaveze. U tom slučaju, uvoz robe se najčešće vršio za potrebe preduzeća u vlasništvu kineskih državljana, sve s ciljem da se prometom robe u unutrašnjem prometu omogućiti pribavljanje protivpravne imovinske koristi, izbjegavanjem plaćanja PDV-a. Kako su naveli iz Tužilaštva BiH, oni se sumnjiče da su te radnje vršili u periodu 2011. do 2014. godine.

Nezvanično, saslušani su kao osumnjičeni: Slađana Štrbac, Aleksandar Aleksić, Željko Busalo i Wu Xiangua!

E. GODINJAK



Jozić: Osumnjičeni nisu uhapšeni

SIPA